



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eyn Sermon ann vnsers herren Hymelfarts tag

Luther, Martin

[Erfurt], 1523

VD16 L 6112

Auff das Evangelio[n] Marci am letzten.

urn:nbn:de:hbz:466:1-31986

Auff das Euangelio Marci am letzten.

MAn begehret heut den articel des glaubens/ darinnen wir sprechenn/ Ich glaube yn Ihesum Christum/ der do auff gefaren ist gen hymel/ vnnnd sitzet zu der rechten handt gottis des vaters. Die selbige hystori vberlaufft diß Euangelion kurglich. Lucas aber handelt etwas lengers vnd schreibt also. Das der herr die iunger alle hab versamlet/ woll vñrtzig tag nach der aufferstehung/ als er sich yhn oft hatte offenbart/ vnnnd rehet mit yhn/ vnnnd befalh yhn was sie thun solten/ Vnd do sie bey eynander waren/ vnd mit ym also redeten draussen zu Bethania/ do hynt er sie hatte gefurt/ Fragtenn yhn etlich vnnnd sprachen.

Herr wirstu auff diße zeit wider auffrichten das reich von Israel? Er aber sprach zu yhn/ Es gebürt euch nit zu wissenn die zeyt oder tag/ wilche der vatter seynere macht fur behalten hat/ Sondernn yr werdet die krafft des heyligen geysts entpfangen/ wilcher auff euch kummen wirt/ vnd werdet meyne zeugen seyn zu Jerusalem vnd yn gangen Judea vnd Samaria/ vnd biß an das endt der erden/ Vnd als er solchs mit yn redet/ gesegnet er sie/ vnd gab yn gute nacht/ vñ fur von yn/ vnd wart auff gehalten zusehens/ Vnd ein wolcken nam yn auff von yren augen/ Vnd als sie yhm nach sahen yn den hymel faren/ syheda tratten neben sie zwen menner/ in weissen kleydern vñ sagten Ihr menner von Galilea/ was steht yr vnd sehet yn den hymel? Dieser Ihesus/ wilcher von euch ist auff genomen gen hymel/ der wirt wider kummen/ wie yr yhn gesehen habt gen hymel faren. Do wanten sie widerumb von Bethania/ vom ölberg/ gen Iherusalem/ vnnnd sagten sich auff das hauß/ darinnen sie sich enthielten/ Vnd blieben bey eynander eynmütig/ mit beten/ sampt den weybern vnd Maria der mutter Ihesu. Das ist die hystori von der Hymelfart wie es sant Lucas beschreybt. Actuum am ersten. Nun wollenn wir auch das Euangelion handeln.

Auffs erst findt yn dyßem Euangelio zwey stuck Eins/ das der herr den Aposteln befolhet das Euangelion zu predigē/ yn aller welt. Das ander von seiner Auffart Wir wollen aber lassen anstehen das förder teyl/ da der herr yren vnglauben vnd hartes hertz strafft/ vnd dargu

greiffen/da er anhebt vnd spricht. Geht hyn yn alle welt/vnnd predigt das Euangelion allen creature Da hastu was das Euangelion zu deutsch heyst/wen ich sprech/ wer da gleubet vnnd getaufft wirt/ der ist selig/ yn denn wortenn ist es gar gefasset/ wer die hat/ der hat das Euangelion.

Also haben wir vorhyn oft gesagt/das das Euangelion eygentlich sey/nit das geschreyben ist yn buchern/sondern ein leyblich predig/ die da erschallen sol vnnd gehört werden yn aller welt/vnnd so frey auß geruffen werden für allen creaturen/das sie es alle hören mochte wen sie dñ hettē/das ist/man sol es so offentlich predigen/ das es nicht künde offentlicher gepredigt werden. Denn das alt gesetz vnnd was die Propheten gepredigt haben/ ist nit erschollen yn die ganze welt für allen creaturen/sondern bey den Judenn yn yren schulen gepredigt Aber das Euangelion sol nit also enge gespanet sein/sondern soll frey frey außgehen yn alle welt.

Darumb ist es nit vñ nōtten/ das man hie andere glosen mach/ wie etlich than haben vnd gesagt/das Omnis creatura/ein mensch heiß Denn in den Worten ist nit anzeygt/ das mans alleyn den menschen sol predigen/ sonder das es für allen creaturen außgeruffen sol werde das kein winckel aufferden sey/da es nit hyn erschallen muß für dem jüngsten tag/das ist gottis radt darinne er beschlossen hat/das auch die so nit lesen können/ noch Mosen vñ die propheten gehört haben dennoch das Euangelion sollen hören.

Was ist den das Euangelion? die wort sind die der herr sagt/ wer do glaubt vnnd getaufft wirt/ der wirdt selig werden. Wir habenn oft gesagt (das ich meyn/ man sol es nun wol verstehen) das das Euangelion nit leyden kann/das man predig von wercken/ wie gut vnnd groß sie ymmer sein können/den es wil vns reysen von vnser vermessenhēy/ vnd setzen vnd grunden alleyn auff gottes barmherzigkēy/das allein sein werck vnnd gnad gepreyset werde/ Darumb leidet es nit/das wir vns grundē auff vnser werck/ Den es mus der zweyer eyns vndergehen Sche ich auff gottis gnad vnnd barmherzigkēy/so sthe ich nit auff meinem verdinst vnd wercken. Also wid/derumb/ Sche ich auff meynen wercken vnnd verdienst/so sthe ich nicht auff gnad.

Denn wo es gnade ist (spricht. s. Pau. Ro. 11.) so ist nit verdienst/

sonst kund gnade nit gnade seyn. Ist es verdienst/so ist es meyn lon/
das man mir schuldig ist. Ist es aber gnad/ so kan ich nit sagen/das
mir gott eyn lon schuldig sey/ sondern ich muß bekennen/ das er mirs
lautter vmb sonst geschenckt hab. Darumb will man das Euange-
lion predigen/so muß man alle werck/da durch mann wil frum seyn
hinweg werffen das nisches mehr da bleybe/den der glawb/ Den ich
muß glawben/ das mir gott on alle verdienst/ vnd vnangesehen alle
meyne werck/ geschenckt habe seyne gnad vnd ewiges leben/ das ich
yhm muß danckenn vnd sagen.

Ich byn frolich/lobe vnnnd dancke gott/das er mir vmb sonst vnnnd
auß lautter gnadenn so vberschwencklich gutt geschenckt hatt. Also
das das Euangelion sey/wie die schrifft nichts anders sagt/den eyn
predig von dem lob/ preysß vnnnd ehre gottis. Als auch Psal. 18. ge-
schrieben ist/ Die hymel verkundigen gottis ehre vnd preysß.

Darumb solman also predigen/das die ehre vnd preysß gegen gott ge-
richt sey/ vnd nit gegen vns. Nun kann man gott nit hoher lobenn
noch preysen vnd ehre geben vnd nach sagen/ den woen wir bekennen/
das er auß lautter gnaden vnd barmhertzigkeyt vonn vnns nympt/
sund/todt vnd hell/vnd fur vns gibt seyn lieben sönn/ vns schencket
seyn gutter alle mit eynader/ solche bekentnis muß ya ym allein/cher/
lob vnnnd preysß gebenn.

Vnd da gehen alle spuch byn ym den Propheten/da sich got rümet/
das er eyn predig will auffrichten/ dauonn er gelobt vnnnd gepreyset
werde/ als Isae. 43. Populum istum formaui mihi: laudem meam
narrabit. Als wolt er sagen/ Ir heuchler thut nit mer/denn das yhe
euch selbs ym herten lobt/ darumb sellt meynn lob nyder. Denn yhe
machet auß mir eyn gestrengen richter vnd vnfrendlichen got/das
mir die leut feyndt werden/vnd heymlich gedencken/ Ey hetten wir
eyn andern gott/der doch nit so vil von vns fordert/ den wolten wir
lieb haben. Darumb wil ich mir eyn ander volck machen/ das mich
erkennen sol vnnnd lieb haben/wen es sihet/das ich yr werck nit wyll
ansehen/ sonder yhenen alles gutt vmb sonst schencken/ die werdenn
ym hertzen grünen fur freuden/ vnnnd mich nit gnug konnen lobenn
vnnnd preysen.

Darumb sihe drauff/ das du dir yhe die werck nit glosierst vñ besser
machen wöllest/den es got gemacht hat. Unser gelerten vnd hohen

A iij

schulen/ haben sie auch wollen bessern vnd gesagt/ man muß es also verstehen. Wer da glawbt(vernym) vnnnd thut gutte werck/ der soll selig werden. Wer hat es ynn befolhen/ das sie den zusatz machenn? meynstu das der heylig geyst so alber sey/ das ers nicht auch het konnen dartzu setzen. Also haben sie den edlen spruch gar vertunckelt/ ya verkeret mit dem zusatz. Darüb sich dich fur/ das du dir nycht lasshest eyn zusatz machen/ sonder da bey bleybst/ wie die wort lauten vnd verstehest es also.

Wer do glawbt/ der wirt selig/ on seyn verdienst/ on alle werck/ warumb? Darumb/ das gott vns lest verkundigen vnd predigen/ das er seynen sönn Ihesum Christum hat lassen kumen/ das er sundt vnnnd alles vnglück hinweg neme. Den er sach/ das wir nichts vermochte/ vnd vns vnmüglich war mit vnsern wercken vnd krefftē/ sund zu tilgen/ sonst het er die mühe vnd kost wol mügen sparen/ das er seynē Sönn ließ leyden vnd todten/ das lest er vns(sag ich) durchs Euangelion verkundigen.

Was gehoret aber zu sollicher predig? Das gehort dartzu/ das ich es glawbe/ den ich kan es sonst anders nit fassen. Wen du es yñ ein buch schreybest/ so ist es nyemandt nutz/ ya das du auch vil gedanken da von machest/ item das du dauon predigst vnd redest oder horest/ hilfst auch nichts/ sonder du mußt es glawbenn/ vnd dich vngerweyffelt darauff verlassen/ es sey also/ wie das Euangelion sagt/ das nit deine werck/ sonder des herren Christi werck/ sterben vñ aufersteung/ deyn sundt vnd todt hynweg nympt/ dartzu kanstu nicht kummen/ denn durch denn glawben.

Widderumb sagt Christus/ wer aber nicht glawbt/ wen er auch getaufft ist/ der wirt verdampft. Da mußt du aber die wort bleyben lassen wie sie stehn/ denn er spricht nit also. Wer nit glawbt vnd thut boße werck dartzu/ sonder durre also. Wenn du hettest aller iunckfrawenn Keuscheyt/ alles leyden aller mertrer/ vnd kurtzlich alle gutte werck/ die alle heyligen yhe gethan haben/ auff eynen hauffenn/ wo nit glawb ist/ so ist es alles verlor. Darumb ist das ebenn der spruch/ der aller Closter/ pfaffen/ Mönch vnd Tinnen wesen vmstost/ den es ist verlorē/ thu was du wollest/ so ist schön das vteil gefellet vnd beschlossē/ glawstu nit/ so bystu schön verdäpft. Also stossen die zwen spruch mechtig starck vnd gewaltig/ widder alle lere vnnnd wessen/ das sich

auff menschen krefft vnnnd werck grundet:

Darumb seze es gegen eyinander/so kanstu recht schliessen/Wo glaub ist/da sind so vil sünde nit/die nit verschlunden vnd vertilget musten werden/durch den glauben/Wo vnglaub ist/so kanstu nymer so vil guter werck thun/das du die geringste sünde tilgest/ So wenig nun sünde fur dem glauben kan bleiben/ so wenig können gute werck seyn bey dem vnglauben/Darumb gehört nit mehr zu guten wercken den der glaub/ vnd nichts mehr zu der sund vnd bösen wercken/ den der vnglaub. So volgt das/wer da glaubt/der hat kein sund vnnnd thut eytel gute werck/widderumb/wer nicht glaubt/ der thut warhafftig keyn gute werck/sonder ist alles sund.

Darumb sag ich aber mal/so vil sund kanstu nit than habenn/noch so feindt ist dir got nit/das es nit alles hynweg sey vnnnd vergebenn/wen du ansehest zu glauben/ Den durch den glaubē hastu Christum zu eygenn der dyr darumb geschenckt ist/ das er deine sünde hinweg neme. Wer wil den so kün sein das er yn verdamne? Darüb kan keyn sund bleiben/wie groß sie auch sindt/wen du glaubist/ So bistu den das liebe kindt/ vnd ist alles schlecht/vñ was du thust ist alles recht. Glaubstu nit/so bistu verdäpft/du thust auch alles wz du wollest/dē die weyl du Christū nit hast/ist es vnmöglich dz du ein sünde vertilgest/sintemal kein ander mittel ist sund hinweg zu nemē/dē chistus. So sprichstu/wie geht es dē zu/ das man dennocht muß gute werck thun/weil es allein am glauben gelegen ist? Antwort. Wo der glaub recht ist/kan er on gute werck nit sein.

Gleych als widderüb/wo vnglaub ist/da kann auch kein gut werck sein/darumb glaubstu/ so müssen aus dem glauben eytel gute werck volgen. Den wie dir der glaub die selickeyt vnd das ewig leben bringe so bringe er dir auch mit sich gute werck/vnnnd ist vnauffgehalten. Denn gleich wie ein lebendig mensch sich nit kann enthalten/es mus sich regen/essen vnd trincken/vnd zu schaffen haben/vñ nit möglich ist/das solche werck können aussen bleyben/weil es lebt/ das man yn nit bedarff heysen vnd treyben/solche werck zuthun/sondern wenn er nur lebendig ist/ so thut ers.

Also auch bedarff man nit mer dartzu/das man gute werck thu/den das mann sage. Glaube nur/so wirstu es alles vonn dir selbst thun/darumb bedarffstu nit lanngē gutte werck fordern/vonn dem der da

glawbt/Den der glawbe leret es yn alles/ vnd den ist alles wolgethā
was er thut/vnd sind eytel kostliche gutte werck/wie gering sie auch
sind/den der glaüb ist so edel/das ers alles gut macht/was am men/
schen ist. Nun ist es vnmöglich/das/so eyenn mensch auff erden lebe/
nit etwas zu thun hab/darumb sind solche werck/so auß dem glaüb
benn gescheen/eytel kostliche werck. Wydderumb/wo vnglawb ist/
kann auch der mensch nicht on werck seyn/darumb sind auch die sel
bige werck alle sund/den da ist Christus nit/darüb ist es alles verlorē.
Da gehet der spruch Pauli Ro. 14. Was nit aus dem glauben geht
das ist sund/als wolt er dargegen sagen/Was aus dem glaübē geht
das ist eytel gnad vnd gerechticheyt das ist kurz beschlossen/darumb
darff man nit fragē/ob man gute werck thun solle/den sie thun sich
selb vnngefordert. Das wil auch der spruch. Psalmo. 24. Alle wege
des herren sind gnad vnd warheyt/ das ist/wenn got in vns wircke
vnnnd schafft/ das wir glaubenn/ so ist es eytel gnad was wir thun/
dazu warheyt/ das ist/ das es aus eynem rechten grundt geht/ vnd
nit heuchlerey ist. Darumb mus es darlegen aber also seynn/ das alle
wege der menschen nicht gnad/sonder eytel zorn/nicht warheyt/
sonder nur gleyssen vñ heuchelei ist/ weyl es aus dē vnglaübē gehet.
Darumb soltu bey leyb die gloß nit machen vnnnd sagenn/ der glaub
thus nit alleyn/sonder die werck gehören auch dazu/das man frum
werde Den es ist klar gnug aus dem/das wir gesagt haben/ das dye
werck gar nichts dazzu thun/Es thut niemandt schaden/denn der
vnglaub/das die werck nit gnug sind/denn wenn glaub da were/ so
wer es alles gut. Darumb als wenig die werck dazzu thun/ das sie
böß sind yn dem vnglauben/so wenig helffen sie auch ym glaubenn/
das sie gut sind/sonder alleyn der vnglaub/verderbt alle werck/der
glaub aber macht sie alle gut.

Es ist aber noch eyne da/das Christus spricht. Wer da glaubt vnd
getaufft wirt zc. Do möchstu sagenn/ So hör ich woll die tauff ge/
hört auch dazzu/ Ja freylich gehört sie auch dazzu/ aber die tauff
ist nicht ein werck das wir thun/ darumb aber sol sie bey dem glau/
ben sein/weil got haben wil/ das der glaub ym herten nicht verbor/
gen bleyb/sonder herauß breche/das er bekant vnnnd offenbar werde
fur der welt/ Vnd darumb hat er solch eußerlich zeychen eyngesetzt/
daran eyne yeglicher sein glauben beweyssen vnd bekennen müge/das

du dir nit also gedencst/ das er yetzund weyt von vns kummen sey/
sonder gerad wyddersins/do er auff erden war/war er vns zu ferrē/
yzundt ist er vnns nah. Aber das kann die vernunft nit fassen/ wie
es zu gebe.

Darumb ist es eyn artickel des glawbens/da muß man die augen zu
thun/vnd nit der vernunft volgen/sonder mit dem glawben fassen/
den wie kan das die vernunft begreyffen/ das da eyn mensch sey wie
wir/ vnd alle leüt sehe/ vnd alle hertzen erkenne/ vnd allen glawbenn
vnd geyst gebe/ odder das er da oben ym hymel sitze/ vnnd doch bey
vns vnd ynn vns sey/ vnd vns regier? Darumb las deyn dunckel da
heym vnd sag also. Das ist die schufft vnd Gottis wort/das ist vn-
messlich hoher den alle vernunft vnd verstandt. Darumb nur auß
getretten vnd die schufft gefast/die von dem menschen schreybt/wye
er zu hymel gefaren ist/zu der rechten handt gottis sitze vnd regiere/
Darauff wollen wir etliche spruch sehen.

Zum ersten. Also sagt Psal. 8. vonn Christo. Wie eyynn wunderlich
mensch ist das/ den du hast eyynn kleyne zeyt Gottis manglen lassen/
darnach mit preys vnd ehre gekrönet/ vnd hast ynn gesezt vber alle
werck deyner hende/ vnnd alle dyng hastu vnter seyne füß gelegt. Da
redet der Prophet von eynem menschen zu Gott/ vnnd verwundert
sich/das ynn Gott eyynn kleyne zeyt hat genidert/ nemlich/ do er ynn
hatt lassen sterben/das man meynt/ es wer keynn gott bey ym. Aber
bald darnach/setzt er ynn/das ym mußt gehorsam seyn alles das ym
hymel vnd erden ist/An den wortten müssen wir halten/hangen vnd
glawben/den die vernunft wirt sich nit dareyn schicken/sonder sa-
gen/es sey erlogen. Sol nun alles dem menschen vnterthan seyn vnd
zu fussen ligen/so muß er da hyn sitzen/da er ynn die ganze welt/ hy-
mel vnd hell/vnd yñ allen hertzen/alle sundt vnd gerechticheyt sehen/
vnd nit alleyn alles sehen/sondern auch darnach regiren kün.

Darumb sind es hohe mechtige wort/vnd geben dem hertzen grossen
trost/das die so solchs glawben/ freydig vnd muttig werden/ vnnd
darauff trogen vnd sprechen. Meyn heri Christus ist eyn heri vber
tode/teuffel/ sünde/ gerechticheyt/leyb/lebenn/feynd vnd freünd/wo
für sol ich mich denn furchten? Den wenn meyne feynd für der thür
sizen/vnnd gedencen sie wollen mich erwürgen/so gedencet meynn
glawb also. Christus ist gen hymel gefaren/ vnnd eyynn heri vber all

Bij

creatur worden/ so müssen ya meyn feynd ym auch vnterthan seyn/
darumb ist es nicht ynn yhier gewalt/das sie mir schaden/ vnd trotz
das sie eyn finger regen oder mir eyn har krummen/ on Christus wil/
len. Wen das der glawb fasset vnd auff dem articel sthet/ so sthet
er wol/ vnd wirt kün vnd sicher/das er sagt. Wil es meyn heri habē
das mich yhene todten/wol mir/so fah: ich dahyn. Darumb sihestu
das er ist gen hymel gefaren/ nit das er fur sich selbs da sitze/ sondern
das er da regiere/ alles vns zu gut/das wir trost vnd freude dauonn
haben. Das ist eyn spruch.

Zum anndern. Also lesen wir auch ym andern psal. das gott spücht
zu Christo. Du bist meynn Sönn/ heut hab ich dich geboren/ forder
von mir/ so wil ich dir die heyden zu eynem erb geben/ vnd die ganze
welt zu deynem besitz. Da sehet yhi aber/das Christus eynn heri ist
vber alle welt von gott gesetzt. Wenn er den meyn freündt ist/ vnd ich
gewiß dafür halte/das er fur mich gestorben ist/ vnd hat mir alles ge/
ben/wer wil mir denn thun? oder so man mir etwas thut/was will
mirs schaden?

Item abermal sagt psal. 109. Der heri sagt zu meynem herien/ setze
dich zu meyner rechten/ biß ich lege deyne feynde zum schemel deyner
fusse/ vnd was am selben ort hernach volgt/ Als/ der heri zu deyner
rechten/hatt zerbrochen am tag seynes zorns die Könige. Vnd er
wirt eyn Richter seyn ynn der heydenschafft/ vnd erfüllen was zerfal
len ist/ er wirt zerschlagen die heubter/die vber vil land regieren.

Item psal. 67. Er ist yn die höhe auffgefarn/ vnd hat das gefeng/
niß gefangen gefurt/ vnd hat den menschen gaben geben/ Vnd es
haben sich alle Propheten hoch beflissen/ das sie die auffart Christi
vnd sein Reich beschreiben. Den wie sein sterben vnd todt/tieff ist ge/
grunde yn der schryfft/ so ist auch seinn Reich/ aufferhebung vnd
auffardt gegrunde.

Also muß man verstehen seinn hymelfart/ sonst hats widder krafft
noch safft/den was ist's nutz/wen man nit mer predigt den das er ist
hyn gefaren vnd sitze da oben mußig.

Den also wil der Prophet im psalm sagen. Er ist in die höhe gefaren
vnd das gefengniß gefangen genommen/ das ist/er sitze nit allein da
oben/sondern ist auch hye nyden/ Vnd eben darumb dahyn gefaren
das er hie nyden were/ das er alle ding erfüllet/ vnd ann allen orten

kunde sein/wilchs er nit kunde thun auff erden/ den da kunden yn nit
alle leybliche augen sehen/ Darumb ist er dohyn gefessen/ da yn yder
man sehen kan/ vnd er mit yderman zu schaffen hab/ das er alle cre
atur erfüllet/ da er ist vberall gegenwirtig/ vnd sind alle ding sein vol
vnd ist nichts so gros ym hymel vnd erden dar vber er nicht gewalt
hab/ das es thun muß was er wil/ vnd mer nit/ Das er nit alleyn alle
creatur regiere vnd erfülle (denn damit ist noch nit meinem glauben
geholfen/ noch die sünde hynweck genommē) sonder hat auch das
gefengniß widder gefangenn gefürt.

Das gefengniß haben etlich gebeyt dohyn/ das er die heyligen al
tetter aus der forburg der hell hab genommen/ Aber da mit ist dem
glauben auch nit geholfen/ den es bawet denn glauben nichts son
derlich/ darumb müssen wirs cynfeltig verstehenn/ das er meyne die
gefengniß die mich fehet vnnnd gefangen nympt/ den ich bin adams
kindt/ vol sund vnnnd vnflat/ da hat mich das gesetz gefangen geno
men/ das mein gewissen verstrickt vnd geurteilt ist zum todt.

Auß dem gefengniß kann niemands kommen/ denn der eynige man
Christus. Was hat er den gethan? Das hat er than/ das ym sünde/
todt vnnnd teuffel schuldig ist/ Die sünde fiel ym auff denn halß/ als
wolt sie yn erseuffen/ sie verlort aber an ym/ das er sie verschlungenn
hatt. Also auch der teuffel/ todt/ vnd die helle/ Das kunnenn wir aber
nit thun/ wen er nit da ist vnd hilfft/ den da müssen wir vnter liegen/
Er aber/ die weyl er keyn sünde gethan hatt/ vnnnd vol gerechticheyt
warr/ hat er sie mit füßenn getreten vnnnd verschlungen/ vnnnd alles
gefangen genommenn/ was vnns wolt fahen/ das nun sund vnnnd
todt nichts mer kann.

Das yst nun die gewalt die er lest predigen/ das alle die an ynn glau
ben/ von der gefengniß loß sind/ Denn ich glawb ann den/ der sund/
todt/ vnd alles was vns ansicht/ gefangen hatt. Es ist eyn liebliche
vnd trostliche rede/ wen mann predigt das der todt also hynweg ge
nummen vnd erwurgt ist/ das man ynn nit mehr fulet odder entpfan
det/ aber nur denen die das glawbenn. Du wirst nicht finden ynn
beynen wercken/ fasten/ beten/ kasteien/ platten vnd kütten/ vnd was
du mehr thun magst/ sondern alleyn ann denen orttern da Christus
sitz vnd hyn gefaren ist/ vnd da er das gefengniß mit ym gefürt hat.
Vnnnd darumb/ wer der sund will loß seyn vnd erredtet vom teuffel

vnd todt/der muß da hyn kommen da er ist. Wo ist er aber? Wie bey
vns ist er/ vnd darumb ynn hymel gesessen/das er nahe bey vns sey/
so sind wir bey ym da oben/vnd er bey vns hie vnten/durch die predi-
gig kompt er herab/ so kommen wir durch den glawben hynauff.

Also sehenn wir allenthalben ynn der schrifft/das der glawb so eynn
vnaussprechlych groß ding ist/das man nymmer gnug dauon
predigen vnd mit woitten erlangen kan/man höits vnnd si-
hets nit/darumb muß mans alleyn glawben/Denn der
art ist der glawb/ das er gar nichts fület/ sonder nur
den woitten volgt/die er höiet vñ daran hanget.

Glawbt ers so hat ers/glawbt ers nit/so hat
ers nit. Also muß man denn artickel des
glawbens verstehenn/das Christus
zu hymel ist gefaren / vnnd sitzet
zu der rechten handt gottis.

Das sey gnug vonn dem Euangelio.

∴



5726